



გადანუსჯილობა

N გ-26-19/358
30/07/2026

358-გ-26-1-4-202607301656



„საქართველოს კომუნიკაციების ეროვნული კომისიის აპარატში სტაჟირების გავლის წესის დამტკიცების შესახებ“ საქართველოს კომუნიკაციების ეროვნული კომისიის 2023 წლის 8 ივნისის N გ-23-22/269 გადაწყვეტილებაში ცვლილების შეტანის თაობაზე

საქართველოს კომუნიკაციების ეროვნული კომისიის (შემდგომში „კომისია“) 2023 წლის 8 ივნისის Nგ-23-22/269 გადაწყვეტილებით დამტკიცებულია „საქართველოს კომუნიკაციების ეროვნული კომისიის აპარატში სტაჟირების გავლის წესი“ (შემდგომში „სტაჟირების წესი“). სტაჟირების წესი არეგულირებს კომისიაში სტაჟირის მიღების, მისი უფლებებისა და მოვალეობების, მენტორის, სტაჟირების ხანგრძლივობისა და სტაჟირებასთან დაკავშირებულ სხვა საკითხებს.

2026 წლის 11 ივნისის № გ-26-21/272 გადაწყვეტილებით შეიცვალა კომისიის აპარატში კონკურსის ჩატარების წესი. მანამდე არსებული კონკურსის ორი ფორმის (საჯარო კონკურსი, გამარტივებული კონკურსი) ნაცვლად, განახლებული წესით დამტკიცდა კონკურსის ერთიანი ფორმა. გამომდინარე იქიდან, რომ კომისიაში სტაჟირის მიღება შესაძლებელია განხორციელდეს კონკურსის წესით, საჭირო გახდა სტაჟირების წესის მოქმედი რედაქციის შესაბამისობაში მოყვანა კომისიის აპარატში კონკურსის ჩატარების განახლებულ წესთან.

ცვლილების თანახმად, სტაჟირების გამოცხადებისა და სტაჟირის შერჩევის შემთხვევაში, პროცესი წარმართება 2026 წლის 11 ივნისის № გ-26-21/272 გადაწყვეტილებით დამტკიცებული კონკურსის ახალი წესისა და პროცედურების შესაბამისად, მანამდე მოქმედი გამარტივებული კონკურსის ფორმის ნაცვლად. ამასთან, სტაჟირების წესში შეტანილი ცვლილებით განისაზღვრა, რომ კომისიის აპარატში სტაჟირის მიღება შესაძლებელია როგორც კონკურსის წესით, ისე კონკურსის გარეშე, კომისიის თავმჯდომარის ბრძანების საფუძველზე.

ყოველივე ზემოაღნიშნულის გათვალისწინებით, საქართველოს ზოგადი ადმინისტრაციული კოდექსის 63-ე, VI თავის, „მაუწყებლობის შესახებ“ საქართველოს კანონის მე-8 მუხლის მე-4 პუნქტის და „ეროვნული მარეგულირებელი ორგანოების შესახებ“ საქართველოს კანონის 13¹ მუხლის შესაბამისად, კომისიამ, კენჭისყრის შედეგად, ერთხმად

გადაწყვიტა:

1. „საქართველოს კომუნიკაციების ეროვნული კომისიის აპარატში სტაჟირების გავლის წესის დამტკიცების შესახებ“ საქართველოს კომუნიკაციების ეროვნული კომისიის 2023 წლის 8 ივნისის N გ-23-22/269 გადაწყვეტილებაში შევიდეს ცვლილება და დამტკიცდეს „საქართველოს კომუნიკაციების ეროვნული კომისიის აპარატში სტაჟირების გავლის წესი“ თანდართული დანართის სახით;

2. დაევალოს კომისიის აპარატის ადმინისტრაციას (ბ. გასვიანს) წინამდებარე გადაწყვეტილების კომისიის ოფიციალურ ვებგვერდზე (www.comcom.ge) გამოქვეყნება;
3. გადაწყვეტილება ძალაში შედის კომისიის ოფიციალურ ვებგვერდზე (www.comcom.ge) გამოქვეყნებისთანავე;
4. გადაწყვეტილება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, №64) კომისიის ოფიციალურ ვებ-გვერდზე (www.comcom.ge) გამოქვეყნებიდან ერთი თვის ვადაში;
5. გადაწყვეტილების შესრულებაზე კონტროლი განახორციელოს კომისიის აპარატის ადამიანური რესურსების მართვისა და ორგანიზაციული განვითარების სამსახურმა (ს. კაციტაძე).

გოგა გულორდავა

თავმჯდომარე

ანი ვაზაგაშვილი


წევრი

ნათია კუკულაძე

წევრი

ივანე მახარაძე

წევრი



Handwritten signatures and a date stamp. The date stamp is in blue ink and reads "6-17/17/17". There are three handwritten signatures in black ink, one above the date stamp and two below it.

